

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK

Broj: 04/1-23- /18  
Bihać, \_\_\_\_\_ .2018. godine

Na osnovu člana 52. stav 1. tačka b) Statuta Grada Bihaća ( “Službeni glasnik Grada Bihaća”, broj: 13/15) i člana 183. tačka 2. Poslovnika Gradskog vijeća ( “Službeni glasnik Grada Bihaća” broj: 03/16), Gradonačelnik u svojstvu predlagača propisa i drugih akata

### O d r e đ u j e

Izvjestioca: Jasmin Stambolija, dipl. pol. na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke  
o izmjeni Statuta Javnog komunalnog preduzeća „Komrad“ d.o.o. Bihać

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**  
**Služba za komunalne djelatnosti,**  
**vode i zaštitu okoliša**  
**Broj: \_\_\_\_\_/18**  
**Bihać, \_\_\_\_\_,2018.godine**

**GRADSKO VIJEĆE BIHAĆ**  
**- o v d j e -**

**PREDMET:** Prijedlog Odluke o izmjeni Statuta JKP „Komrad“ d.o.o. Bihać, dostavlja se

Na osnovu člana 52. stav (1) tačka a) Statuta Grada Bihaća (“Službeni glasnik Grada Bihaća”, broj: 13/15), a u vezi sa članom 140. Poslovnika o radu Gradskog vijeća Grada Bihaća („Službeni glasnik Grada Bihaća“, br. 3/16), u prilogu vam dostavljam Prijedlog Odluke o izmjeni Statuta Javnog komunalnog preduzeća „Komrad“ d.o.o. Bihać,

**O b r a z l o ž e n j e**

*Pravni osnov za donošenje:*

Pravni osnov za donošenje Odluke o izmjeni Statuta JKP „Komrad“ d.o.o. Bihać, sadržan je u:

- članu 310. Zakona o privrednim društvima („Službene novine Federacije BiH“, br. 81/15) kojim je, između ostalog, propisano da društvo sa ograničenom odgovornošću ima Statut, te da Statut društva donosi osnivač,

- članu 138. stav (2) Statuta JKP „Komrad“ d.o.o. Bihać („Službeni glasnik Grada Bihaća“, broj: 7/15, 13/17), koji određuje da Statut Društva i odluku o izmjenama i dopunama Statuta donosi Osnivač po proceduri propisanoj Poslovníkom Gradskog vijeća,

- članu 35. Statuta Grada Bihaća (“Službeni glasnik Grada Bihaća” broj 13/15) kojim je propisano da Gradsko vijeće donosi pojedinačne i druge akte iz samoupravnog djelokruga u skladu sa zakonima i ovim Statutom.

*Razlozi donošenja:*

Obavljanje komunalnih djelatnosti zajedničke komunalne potrošnje, u smislu Zakona o komunalnim djelatnostima USK-a (“Službeni glasnik USK” broj: 4/11, 11/11, 6/12 i 13/12),

predstavlja obavljanje komunalnih djelatnosti čije proizvode i usluge nije moguće izmjeriti ili na drugi način definirati, utvrditi i naplatiti od svakog korisnika usluga. Članom 17. Zakona propisano je da se povjeravanje obavljanja komunalnih djelatnosti i davanje na upravljanje i održavanje komunalnih objekata i uređaja javnom komunalnom preduzeću reguliše odlukom o osnivanju.

S tim u vezi, Gradskom vijeću Bihać dostavljen je prijedlog Odluke o izmjeni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti, u smislu povjeravanja komunalnih djelatnosti zajedničke komunalne potrošnje, i to: održavanje čistoće na javnim površinama, održavanje javnih površina, obavljanje higijeničarske službe, obavljanje usluga dekoracije, održavanje objekata i uređaja javne urbane opreme (osim javnih česmi i fontana), održavanje javne rasvjete u stanju funkcionalne ispravnosti i održavanje spomen obilježja, stratišta, mezaristana i grobalja-mezarja kulturno-istorijskog značaja, te usklađivanje važeće Odluke o pogrebnoj djelatnosti (“Sl.glasnik Općine Bihać”, br. 7/14) sa osnivačkim aktom preduzeća, (obzirom da je članom 17. citirane Odluke JKP “Komrad” d.o.o. Bihać povjereno na upravljanje Gradsko mezarje-groblje “Humci”) i povjeravanja upravljanja i održavanja tržnica na malo (pijaca) u Bihaću, na Trgu maršala Tita (Gradska tržnica) i u ul.Hadžiabdića mahala, na čije cijene i pijačni red je data saglasnost Osnivača.

Time su se stekli uslovi za donošenje Prijedloga Odluke o izmjeni Statuta JKP „Komrad“ d.o.o. Bihać, obzirom da isti mora biti usklađen sa osnivačkim aktom preduzeća.

Radi gore navedenog, predlažem Gradskom vijeću Bihać usvajanje prijedloga Odluke o izmjeni Statuta JKP „Komrad“ d.o.o. Bihać, kao u predloženom tekstu.

#### *Potrebna finansijska sredstva*

Za provođenje ove Odluke, u dijelu povjeravanja poslova zajedničke komunalne potrošnje, finansijska sredstva su obezbjeđena u Budžetu Grada Bihaća, kroz Program obavljanja komunalnih djelatnosti zajedničke komunalne potrošnje kojeg realizira JU „Zavod za prostorno uređenje“ Bihać.

Obradivač:

Elvira Hadžić, dipl. prav.

Prilog:

1. Prijedlog Odluke o izmjeni Statuta JKP „Komrad“ d.o.o. Bihać
2. Statut JKP „Komrad“ d.o.o. Bihać („Službeni glasnik Grada Bihaća“ br:7/15, 13/17)

Gradonačelnik  
Šuhret Fazlić

Na osnovu člana 310. Zakona o privrednim društvima („Službene novine Federacije Bosne i Hercegovine“, br. 81/15) i člana 138. stav 2. Statuta Javnog komunalnog preduzeća „Komrad“ d.o.o. Bihać („Službeni glasnik Grada Bihaća“, broj: 7/15, 13/17), Gradsko vijeće Bihać na \_\_\_\_\_sjednici održanoj dana \_\_\_\_\_2018. godine, d o n o s i:

## O D L U K U

o izmjeni Statuta Javnog komunalnog preduzeća „Komrad“ d.o.o. Bihać

### Član 1.

U Statutu Javnog komunalnog preduzeća „Komrad“ d.o.o. Bihać-prečišćeni tekst („Službeni glasnik Grada Bihaća“, broj: 7/15, 13/17), u članu 2. stav (3) mijenja se i glasi:

“(3) Javnom komunalnom preduzeću „Komrad“ d.o.o. Bihać Osnivač povjerava obavljanje:

a) komunalnih djelatnosti individualne komunalne potrošnje:

- 1) skupljanja, tretiranja i odlaganja otpada
- 2) djelatnost javnih parkirališta na području grada Bihaća,
- 3) pogrebne djelatnosti
- 4) djelatnosti tržnica na malo (pijaca)

b) komunalnih djelatnosti zajedničke komunalne potrošnje propisanih Zakonom o komunalnim djelatnostima USK-a (“Službeni glasnik USK” broj: 4/11, 11/11, 6/12 i 13/12):

- 1) održavanje čistoće na javnim površinama,
- 2) održavanje javnih površina,
- 3) obavljanje higijeničarske službe,
- 4) obavljanje usluga dekoracije,
- 5) održavanje objekata i uređaja javne urbane opreme,
- 6) održavanje javne rasvjete u stanju funkcionalne ispravnosti,
- 7) održavanje spomen obilježja, stratišta, mezaristana i globalja-mezarja kulturno-istorijskog značaja,

c) uklanjanja građevina“.

### Član 2.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: GV-\_\_\_\_\_

Bihać, \_\_\_\_\_2018. godine

Predsjedavajući Gradskog vijeća

Davor Župa